



KUVENDI I KOMUNËS KLINË

Shërbimi për Punë të Kuvendit

01 Nr. 06-4963/14

Klinë, më 12.11.2014

EKSTRAKT-PROCESVERBALI

Nga mbledhja e radhës e **Komitetit për Politikë dhe Financa**, e mbajtur më datën **17.11.2014**, në sallën e Kuvendit të Komunës, me fillim në orën **10:00**.

Rendi i ditës:

1. Arsyetimi i mungesave,
2. Shqyrtimi dhe miratimi i procesit të mbledhjes së kaluar,
3. Shqyrtimi i raportit financiar për përudhen janar-nëntor 2014,
4. Inicimi i procedurës së Projekt-rregullores për transparencë dhe Propozim-vendimi për vënie në diskutim publik,
5. Shqyrtimi i kërkesës së Komisionit komunal për të zhdukurit për zyrtarizimin e Ditës së të zhdukurve më datën e 4 Prillit,
6. Njoftim lidhur me përgatitjet e caktimit të orarit kalendarik të punës së Kuvendit dhe të Komiteteve për vitin 2015,
7. Të ndryshme.

Në mbledhje ishin prezent:

1. Dr. Haxhi Ibishi.....Kryesues
2. Ramush Agushianëtar
3. Halil Desku..... anëtar
4. Pal Berisha anëtar
5. Avni Gashi..... anëtar
6. Fadil Gashi..... anëtar
7. Ndue Shabanaj..... anëtar

Pjesëmarrës të tjerë ishin: Ramiz Rrusta –drejtor i Drejtorisë për Ekonomi dhe Financa, përfaqësues të OSBE-së, të Zyrës Ligjore, mediet, Samije Gjergji, Agron Gashi, OJQ-të, Lale Grabanica, Atifete Bytyqi, kryetare e Komisionit Komunal për të Zhdukurit e tjerë.

Mbledhjen e hapi **Dr. Haxhi Ibishi** i cili pasi i përshëndeti të pranishmit i lexoi pikat e rendit të ditës të parapara për shqyrtim në këtë mbledhje.

Rendi i ditës u miratua unanimitisht nga anëtarët e KPF-së.

Pika e I-rë: Arsyetimi i mungesave.

Dr. Haxhi Ibishi, tha së të gjithë anëtarët e Komitetit për Politikë dhe Financa janë prezent në mbledhje.

Pika e II-të: Shqyrtimi dhe miratimi i procesit të mbledhjes së kaluar.

Procesi i mbledhjes së kaluar u miratua unanimitisht.

Pika e III-të: Shqyrtimi i Raportit financiar për periudhën janar-nëntor 2014.

Ramiz Rrusta- drejtor i Drejtorisë për Ekonomi, Financa dhe Zhvillim, tha se buxheti në SMFK i shpenzuar për periudhën janar-shtator 2014 ishte në vlerë prej 6.027,874.40 €, e krahasuar me shpenzimet për periudhën e njëjtë të vitit të kaluar janë rritur për 11.62%, dhe shtoi së në tabelën numër 5 i keni krahasimet e shpenzimeve në përqindje. Drejtori Rrusta, në vazhdim sqaroi që secila drejtori në mbledhjen e Kuvendit do t'i paraqes shpenzimet e kryera gjatë kësaj periudhe raportuese.

Avni Gashi, tha së është mirë që janë ndarë shpenzimet nëpër drejtori, por nuk është mirë për shpenzimet që janë të bartura nga viti i kaluar, pastaj pagesat që bëhen me vendime gjyqësore, mendoj se duhet për të gjetur një mënyrë për t'i parandaluar këto.

Fadil Gashi, pyeti se ka mundësi që në seancën e ardhshme të Kuvendit të na sjellët regjistri i shpërndarjes së subvencioneve dhe mendoj se do të ishte mirë që të merret iniciativë për hartimin e Rregullores për ndarjen e subvencioneve. Ai tha se e kemi edhe Ligjin për ndarjen e subvencioneve.

Avni Gashi, tha se edhe unë mendoj se duhet të këtë një rregullore të veçantë për ndarje të subvencioneve.

Ramiz Rrusta, theksoi se sa i përket pagesave që bëhen në bazë të vendimeve gjyqësore, është e vërtetë së janë paguar 11 mijë euro, por nuk është vetëm kjo, kemi raste edhe në Drejtorinë e Kulturës, në muajin janar të vitit të ardhshëm kanë për t'u paguar edhe disa konteste të tjera."Ndërsa sa i përket subvencioneve, unë do të përpiqem ta bëj regjistrin e këtyre përfituesve dhe se asnjë subvencion nuk paguhet pa vendim të Zyrës Ligjore dhe miratimin e Kryetarit të Komunës".

KPF preferon që Raporti financiar për periudhën janar-shtator 2014 të bartet për shqyrtim dhe miratim në mbledhjen e Kuvendit.

Pika e IV-të: Inicimi i procedurës për projekt-Rregulloren për transparencë në Komunën e Klinës dhe propozim-vendimi për vënie në diskutim publik.

KPF preferon që Projekt-rregullorja për transparencë në Komunën e Klinës dhe Propozim-vendimi për vënie në diskutim publik të bartet për shqyrtim dhe miratim në Kuvend.

Pika e V-të: Shqyrtimi i kërkesës së Komisionit komunal për të zhdukurit që të zyrtarizohet Dita e 4 prillit.

Atifete Bytyqi (kryetare e Komisionit Komunal për të Zhdukurit), tha se Komisioni Komunal për të Zhdukurit kërkon nga Komuna që data e 4 Prillit të zyrtarizohet si datë e veçantë, e për këtë propozim e kemi pëlqimin edhe të Kryetarit të Komunës dhe edhe të Kryesuesit të Kuvendit.

Avni Gashi, potencoi se një iniciativë e tillë ka qenë edhe me herët dhe mendoj që kjo është mjaft e nevojshme që ta kemi një datë zyrtare për të zhdukurit.

Ramush Agushi, tha se unë e përkrah këtë kërkesë dhe propozoj që të bartet për Kuvend.

KPF preferon që kjo kërkesë të bartet për shqyrtim dhe miratim në mbledhjen e Kuvendit.

Pika e VI-të: Njoftim me përgatitjet e caktimit të orarit kalendarik të punës së Kuvendit dhe të Komiteteve për vitin 2015 (për seancën e dhjetorit).

KPF të bëhen përgatitjet për Kalendarin e punës së Kuvendit dhe të komiteteve për vitin 2015.

Pika e VII-të :Të ndryshme.

Dr. Haxhi Ibishi, tha se kemi një kërkesë nga lagja tek livadhet e fshatit Gjurgjevik i Vogël për asfaltimin e rrugës lokale në shtrirje prej 700 metrash, këtë kërkesë e bartim tek Drejtoria e Urbanizmit me preferencën së është shqyrtuar nga KPF-ja.

Me kaq mbledhja e KPF-së përfundoi punën në orën 11:00.

Procesmbajtësi,
Beqir Gashi



**Kryesuesi i KPF-së,
Dr. Haxhi Ibishi**